

Headline	Lensa		
MediaTitle	Utusan Sarawak		
Date	26 Oct 2018	Color	Full Color
Section	STAIL	Circulation	37,981
Page No	4	Readership	113,943
Language	Malay	ArticleSize	262 cm ²
Journalist	N/A	AdValue	RM 1,343
Frequency	Daily (EM)	PR Value	RM 4,028



KAKITANGAN Pemasaran Lembaga Pembangunan dan Lindungan Tanah Pelita Holdings Sdn Bhd Siti Zubaidah Sabri menunjukan Ulat Mulong atau Ulat Sagu di gerai pameran sempena Sarawak Agrofest 2018 yang berlangsung dari 20 hingga 28 Oktober ini di Pusat Konvensyen Penview (PCC) Demak, Kuching. Bagi masyarakat Sarawak, Ulat Mulong terutama yang gemuk berlemak ini mempunyai rasa yang enak dan boleh dinikmati sama ada dimasak dengan menggoreng atau salai dan dinikmati bersama sagu. Seekor ulat mulong matang yang besar atau gred A dijual dengan harga antara 50 sen hingga 70 sen. -Bernama

GAMBAR bertarikh 23 Oktober lalu menunjukan pelajar Sekolah Menengah Kebangsaan Lembah Bidong Nur Fatini Hasmadi, 15, menanam pokok Meranti Rambai Daun pada perasmian Taman Dipterokarpa di Stesen Penyelidikan FRIM (SPF) Setiu, Terengganu. Sebanyak 330 pokok dari 33 spesis dipterokarpa (pokok balak komersial) seperti Chengal, Meranti Tembaga, Resak Paya dan Meranti Rambai Daun ditanam di stesen tersebut yang disertai 100 peserta terdiri daripada pelajar, wakil penduduk dan kakitangan FRIM. Program tersebut menetengahkan kepentingan pemuliharaan hutan dan memberi kesedaran kepada masyarakat mengenai kewujudan nama tempat yang sinonim dengan nama tumbuhan. -Bernama

